



咨



內務部咨外交部查核教士董文德永租民產有無違約請咨覆辦理

文

據江甯巡警總監吳忠信呈稱據南路三區區長汪經純呈報府東街長老會耶穌堂教士董文德緘稱敝堂南首有周秉心瓦屋兩間基地拾七間於前清宣統三年九月十八當張寇踞城之時四門緊閉該周姓急欲回鄉央中向敝堂說合定以二千九百七十五元將該屋基地一併永租敝堂名下承管執業當以房地合用執照確實由敝堂邀同原中柏梓傑近鄰伍起鳳指清界址比及埋石交代邀牙立契兌價成交原因亂事孔急未報現今省城光復地方安甯合將永租周秉心屋基詳情補緘奉達即求察核等情經區長前往詳查將其未請勘單原由呈報到局查此案事前並未通知事後函請勘單應否仍照前案飭令詳察等因據此本部查各國教士租買民產建設教堂均係照約辦理惟此次教士董文德永租周氏房屋與民國治外法權之前途有極切關係未便忽略應請貴部切實查核歷來約稿有無永租明文與條約有無違背希即咨覆以便辦理而重國

權此咨

### 內務部咨各部省革除前清官廳稱呼文

頃奉大總統令開官廳爲治事之機關職員乃人民之公僕本非特殊之階級何取非分之名稱查前清官廳視官等之高下有大人老爺等名稱受之者增慙施之者失體義無取焉光復以後聞中央各地方官廳漫不加察仍沿舊稱殊爲共和政體之玷嗣後各官廳人員相稱咸以官職民間普通稱呼則曰先生曰君不得再沿前清官廳惡稱爲此令行該部遵照速卽通知各官署并轉飭所屬咸喻此意此令等因奉此應卽咨行貴部貴都督速飭所屬一律照令改換名稱以滌舊染之污而示更新之象此咨



### 大總統令禁烟文

鴉片流毒中國垂及百年沉溺通於貴賤流行徧於全國失業廢時耗財殞身浸淫不止種姓淪亡其禍蓋非敵國外患所可同語而嗜者不察本總統實甚惑之自滿清末年漸知其病種植有禁公膏有征亦欲剷除舊污自蓋前蠱在下各善社復爲宣揚倡導匡引

不逮故能成效漸彰黑籍衰滅方今民國成立炫耀宇內發憤爲雄斯正其時若於舊染錙疾不克拔滌淨盡雖有良法美制豈能恃以圖存爲此申告天下須知保國存家匹夫有責束修自好百姓與能其有飲鳩自安沉湎忘返者不可爲共和之民當咨行參議院于立法時剝奪其選舉被選一切公權示不與齊民齒并由內務部轉行各省都督通飭所屬官署重申種吸各禁勿任廢弛其有未盡事宜仍隨時籌畫舉辦尤望各團體講演諸會隨分勸導不憚勤勞務使利害大明趨就知向屏絕惡習共作新民永雪亞東病夫之恥長保中夏清明之風本總統有後望焉

### 大總統令內務司法兩部通飭所屬禁止刑訊文

近世文化日進刑法之目的亦因而遞嬗昔之喝威嚇報復爲職志者今也則異刑罰之目的在維持國權保護公安人民之觸犯法紀由箇人之利益與社會之利益不得其平互相抵觸而起國家之所以懲創罪人者非快私人報復之私亦非以示懲創使後來相戒蓋非此不足以保持國家之生存而成人道之均平也故其罰之之程度以足調劑箇人之利益與社會之利益之平爲準苛暴殘酷義無取焉前清起自草昧之族政以賄成

視吾民族生命曾草菅之不若教育不興實業衰息生民失業及其罹刑網也則又從而鍛鍊周納以成其獄三木之下何求不得彼虜不察獎殺助殘殺人愈多者立膺上考超遷以去轉相師法日糜吾民之血肉以快其淫威試一檢滿清史館之所紀載其所謂名臣能吏者何莫非吾民之血跡淚痕所染成者也本總統提倡人道注重民生奔走國難二十餘載對於亡清虐政曾聲其罪狀布告中外人士而於刑訊一端尤深惡痛絕中夜以思情逾剝膚今者光復大業幸告成功五族一家聲威遠暨當肅清吏治休養生靈滌煩苛咸與更始爲此令仰該部轉飭所屬不論司法行政官署及何種案件一概不准刑訊鞠獄當視證據之充實與否不當偏重口供其從前不法刑具悉令焚燬仍不時派員巡視如有不肖官司日久故智復萌重燭亡清遺毒者除褫奪官職外付所司治以應得之罪吁人權神聖豈容弁髦刑期無刑古有明訓布告所司咸諭此意

### 大總統令內務部禁止買賣人口文

自法蘭西人權宣言書出後自由博愛平等之義昭若日星各國法律凡屬人類一律平

等無有階級其有他國逃奴入國者待以平民不問其屬於何國中國政治代主開放貴族自由民之階級剷除最早此歷史之已事足以誇示萬國者前清入主政治不綱民生憔悴逃死無所妻女鬻爲妾媵子姓淪於皂隸不肖奸人從而市利流毒播孽由來久矣尤可痛者失教同胞艱於生計乃有奸徒誘以甘言轉販外人牛馬同視終年勞動不得一飽如斯慘毒言之痛心今查民國開國之始凡屬國人咸屬平等背此大義與衆共棄爲此令仰該部遵照迅卽編定暫行條例通飭所屬嗣後不得再有買賣人口情事違者罰如令其從前所結買賣契約悉與解除視爲雇主雇人之關係並不得再有主奴名分此令

### 大總統令內務部通知各官署革除前清官廳稱呼文

官廳爲治事之機關職員乃人民之公僕本非特殊之階級何取非分之名稱查前清官廳視官等之高下有大人老爺等名稱受之者增慙施之者失體義無取焉光復以後聞中央地方各官廳漫不加察仍沿舊稱殊爲共和政治之玷嗣後各官廳人員相稱咸以官職民間普通稱呼則曰先生曰君不得再沿前清官廳惡稱爲此令仰該部遵照速卽

通知各官署並轉飭所屬咸諭此意此令

大總統批龍華製革廠股商葉韶奎等稟陳歷辦情形及現擬擴充辦法請批准呈

呈悉現在民國大局已定亟當振興實業改良商貨方於國計民生有所裨益披閱所陳歷年籌辦情形良工心苦洵非虛言至擬更改公司組織重招新股力圖擴充樹工界之先聲作商場之模範將於該廠見之既據分呈各主管官廳仰即聽候各該主管官廳批准立案可也原呈及說帖清摺存此批

大總統批財政部擬具造幣廠章程請批准呈

據呈已悉所擬造幣廠章程十二條尙稱妥洽應即照准此批

附財政部原呈並章程

爲呈請事竊維民國圖法關係重要幣廠簡章應先釐訂前經派員至江南造幣廠詳加考察茲據復稱該廠賡續舊章積習難除又查該廠冊表用人用款均涉浮濫本部職司財政考核所關茲特酌擬造幣廠章程十二條繕單呈請批准俾有遵循至所有

從前辦事人員卽行分別撤留以示懲勸而資整頓理合呈明卽希鈞鑒謹呈

## 造幣廠章程

第一條 造幣廠歸財政部管轄掌鑄造國幣一切事宜

第二條 造幣廠暫設總廠於南京設分廠於武昌廣州成都雲南四處如再添設分廠須呈明大總統批准其分廠統歸總廠直轄

第三條 總廠設正副長各一員由財政部薦任管理總分各廠一切事宜總廠及各分廠各設廠長一員幫長一員均由正副長遴選委員呈部核准委任秉承正副長分理各該廠一切事宜

第四條 總分各廠應設工務長一員總務長一員由正副長遴選委員呈部核准令辦其餘藝師藝士及各員司由各廠酌定員數呈部核定

第五條 財政部籌備鑄幣專款發給總廠分派各廠應用所有各省舊設銀銅圓廠機器廠房材料准總廠選擇提用

第六條 總分各廠應鑄輔幣數目由中國銀行斟酌市面情形隨時擬定數目呈由財

政部核准飭廠照鑄

第七條 總分各廠鑄成國幣數目每十日一次呈報財政部查核

第八條 總分各廠鑄成新幣重量成色公差之類必須遵照定章並遴派精通化學人

員隨時化驗如有不符即回爐重鑄以免參差

第九條 總分各廠所鑄各幣由總廠呈送財政部化驗財政部亦得隨時任抽各廠所

鑄各幣化驗查核

第十條 造幣廠出入款項由總廠按季詳造表冊呈報財政部按年總結除表冊外並

應呈報預算決算清冊各分廠應將該廠收支數目與銀銅等幣出入情形每

月一次呈報總廠仍每日將帳簿結算清楚以備總廠隨時查核

第十一條 各廠有緝訪私鑄防衛廠料等事應請各省都督協助者隨時照行

第十二條 總分各廠辦事細則由總廠擬訂呈由財政部核准施行

內務部令巡警總監撤去日商廣告文

昨奉大總統令著將日商在鐘鼓樓及城門所懸掛之廣告即日派警丁直行撤去毋稍



延悞切切此令

教育部批元甯農會稱女子北伐隊林宗雪藉口辦學圖佔南京公園  
請弗爲所朦呈

據呈已悉所稱女子北伐隊林宗雪欲在公園開辦蠶桑學堂四處遞呈希圖朦混指撥  
各節查本部前此核辦各案並未接到此項稟件此批

教育部批江南商業學堂職員黃如棟等請繼續開辦呈

據呈已悉查江南商業學堂應歸地方政府管轄仰卽呈請江蘇都督核辦可也此批

教育部批鎮江中學校教員達彰康請在六合召集同志組織共和宣  
講社呈

據呈已悉所稱在六合召集同志組織共和宣講社事屬可行仰卽呈請六合民政長核  
辦無庸本部發給公文此批

交通部批中華民國報館鄧家彥請飭郵局掛號電局減費呈

呈悉所稱發揮民主精義使人人知吾國爲純全民主之國以促進完全之共和爲宗旨

立意遠大實堪嘉尚所有郵局掛號及電局減費已分令遵辦矣此批

### 外交部爲和官橫暴事致新選袁總統電文兩件

北京新選總統袁鈞鑒接泗水電稱已開市昨進口船有華人百餘均被禁和要挾書報社董承認被擄斃之人謀爲不軌宥等語又急電稱既云與和使交涉業經開市何以猶擊人今又監斃一命來電被截多方恫嚇慘無天日若交涉無效勢必一網殲盡去電請勿登報并勿來電恐拯救未見慘禍先臨感等語和官如此橫暴若不早爲援手將拘斃日衆更恐續演慘劇收拾益難請再向和使力爭一面設法拯救以蘇僑困切盼電復王寵惠勸

北京新選大總統袁鈞鑒頃復接泗水粵僑全體來電和兵逐日圍擅專捉粵僑工商已達二千餘因被人暗誣爲騷擾照例不得保証出獄慘無天日請速設法解懸等語請卽向和使嚴詰并將勘電彙轉劉使切盼王寵惠叩勸二

### 紀事

外交部爲和官橫暴事致唐少川君電文

萬急北京唐少川先生鑒沁電悉和屬虐待華人由來已久此次風潮偶因升旗而發生故現下所亟應力爭者不在升旗問題而以釋人索償廢除虐例爲最要此次被捕諸人事同一律自應全行釋放若如和使所云未知所謂酌量者以正式之裁判爲準抑以甲必丹之意爲準至允以私意電告和官不禁升旗一節現慶典已過而拘捕日衆卽許升旗於僑民何補且僑民既屬理直固不應以私意調停蓋私意祇可處個人之事而不可以施之國際之交涉此次要求各款務須確實承認方爲妥善仍希據理力爭毋任狡賴盼甚王寵惠沁

### 外交部爲和官橫暴事致上海華僑聯合會電文

上海華僑聯合會鑒接北京電開有電悉和屬華僑事昨駐京和使貝拉斯到外部面稱巴泗兩埠華僑事已得回電稱巴埠始因升旗繼因不准夜出游衆華僑不遵警章以致被拘旋即詢明釋放惟將情形較重者暫禁泗水案係因華僑中之甲必丹不肯升旗多數華僑大加強迫和警及兵隊恐有害治安出而彈壓華僑不服約束遂捕多人政府並無反對共和之意惟該地方官於未奉承認明文以前不能不照向章辦理等語答以華

僑因歡迎共和升掛國旗係屬常事何致有害治安至承認問題更與華僑無涉和官如此舉動實背公理務當速電該處和官將華僑一律釋放准其自由升旗並將兵隊撤去貝云不能擅發允僑升旗命令後再三駁辯貝始允以私意通知該處和官不禁升旗并允將所捕之人酌量釋放特聞乞轉聯合會紹儀沁等因本部對於北京此次之交涉殊未滿意業即電駁特聞外交部沁

### 內務部呈請大總統令法制局審議南京市制草案

南京市制草案現已編就茲特繕呈即請速令法制局審定後咨交參議院議決以便實行此呈

### 內務部職員名單

承政廳

秘書長 張大義

參事 田桐 林長民 吳永珊 于德坤

公牘員 黃嘉梁 楊名遂 張東蓀

編纂員 張友棟 歐陽啓勳 許家恒 陸維李

書記員 陳玉潤 鍾琦 彭雅南 朱侗 饒光民 趙璧 居文哲

陳濟 景亮熙 郭受元 曾希孔

監印員 張皓

收發員 鄭毅權 楊瀚芳

會計員 馬伯援 洪鑄 程蔭南 蘇炳麟

庶務員 洪章 李廣成 孫景龍

統計員

調查員 張復漢 周農

應接員 陳廷颺

管閱報室 陳孕寰

### 民治局

局長 蕭翼鯤

科長 錢崇固 張家鎮 鍾震川 易象

科員 江宗海 趙縵 胡肇安 潘昉 黃克縉 彭廉 許九

黃格鵬

警務局

局長 孫潤宇

科長 沈復 林特生 熊開先 朱家璧

科員 周冕 杜鴻賓 黃鈞 朱文焯 瞿運鈞 袁亮鈞 王肇釗

陳紹湘 伍樹棻 謝容懷

疆理局

局長 高魯

工監 程光鑫

科員 李灤 佻樹森

土木局

局長 史青

工監 王慶莘

科長 萬葆光

科員 聶國華

# 臨時政府公報 附錄

中華民國元年三月二日星期六

隨報附出 不另徵費

## 電報

孫大總統鑒宥電悉正擬復適接趙督電稱共和云云不准進行云云均經通飭各軍隊遵照茲開原又有進行舉動與黃軍長暨藍電兩歧恐妨信用姑電□妥爲南商解散以維秩序新舉大總統袁世凱沁

(北京來電七十三)

南京大總統鑒敝省事務日繁需人佐理擬邀方潛君辦理重要政務伏懇照准所有南京府事宜並請另委委員任以接便即日回皖無任感盼皖都督孫毓筠沁印

(安慶來電七十四)

孫大總統及各部總次長公鑒蔚奉委任關外都督本爲大局犧牲非爲個人權利數月以來各方連絡奉省志士雲集響應佔領莊河鐵嶺開原等處均在未換國旗之先自奉共和宣布南北統一之命卽嚴飭各部停止進行並一面將已成軍隊撤回烟埠其未成

軍散布各處爲趙張兵力所阻隔者亦飭安靜不動以免破壞全局乃閱報載趙爾巽電呈謂蔚自稱關外都督指爲土匪殊深詫異前後爲趙爾巽張作霖等肆意殘殺同胞人達數千以上及集合各要地進退維谷者不下數萬人乃趙爾巽猶派兵剿捕日事搜殺軍隊所至殃及婦孺滅絕人道至此已極名雖贊成共和實爲民軍公敵關外同志拚頭顱熱血舍命破家爲造國家竟得如此結果進行則有礙大局欲退則生路全無死者無以慰生者無以安恐至激成事變糜爛大局釀成交涉蔚不特有負革命同志於地下且將負罪於全國務乞我大總統指示善後辦法以便遵行關外都督藍天蔚叩沁

(烟台來函七十五)

孫大總統黃陸軍部長鑒滬督去留頗滋紛議實則一言可決南北起義各都督依吾黨夙定之革命方略當然設置卽爲軍政期間之法律規定自非大局敕平斷無解兵之理不獨滬爲舉事根基全國樞紐不得妄援亡清巡撫轄境議裁卽晉督之起義魯督之以義聲而受地方公推政府委任皆不容他人妄議有敢動搖之者義師共擊之若夫倡義則屬人後毀成則在人先苟非陰爲曹馬之地必其人不復知世間有羞耻事也共和國



竟從何來豈有此曹容喙之地乞布告全國知之譚人鳳叩勸 (上海來電七十六)

孫總統鑒聞胡經武派張弼臣侯雪舫丁鼎臣三員往商停戰事被張廣建拘留現在南北統一不應有捕害黨人之舉且侯雪舫係本部派往調查銀行之人請電袁總統速飭釋放爲禱錦濤勸 (上海來電七十七)

孫大總統外交部各部總次長參議院鑒又接泗水急電既云與和使交涉業經開市何以猶拿人今又監斃一命來電被截多方恫嚇慘無天日若交涉無效勢必一網殲盡去電請勿登報並勿來電恐拯救未見慘禍先臨云云如何如何乞卽電悉華僑聯合會叩感 (上海來電七十)

南京孫大總統各部總次長各軍司令暨各省都督鈞鑒頃接安慶孫都督電爲統一軍政故取消分府名義黃獨敬依命將分府取消並同時黃陸軍部總長電委高等軍事顧問官擬將交代手續辦理清楚然後赴部任職所有皖蕪行政一切均須直接安慶孫都督皖蕪軍政分府吳振黃叩蒸 (蕪湖來電七十一)

孫大總統鈞鑒沁電敬悉屢蒙溫諭慰留感慚無地當上海光復之初半壁東南咸未底

定軍書旁午不得不謀設都督以資鎮懾其美不才謬被公舉事關大局未敢固辭任事以來瞬已數月始雖搗心絞腦而辦事尙稍順手現在南北統一戰事告終時局則已達和平辦事至動輒棘手今就滬上一隅觀察情形亦有才不勝任之懼何況日益加甚乎蔽賢尸位賢者所譏辱承垂愛敢布區區其美叩儉

(上海來電七十二)

大總統外交部各部總次長參議院鑒泗水粵僑全體來電和兵逐日圍捕專捉粵僑工商已達二千餘因被人暗誣爲騷擾輩例不得保證出獄慘無天日請從速設法解懸云云僑民危急萬分請速拯救華僑聯合會叩感

(上海來電七十八)



## 總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日為限過期揭去嗣後凡來本府投遞呈件人等希一體知照總統府秘書處白

## 總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將貨料購製完備定於初五日開工所有印刷物品不特可供國家之取用而報商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生 謹白  
彭丕昕

## 印鑄局工廠發行所廣告

(住花牌樓吉祥街)

本局發行所接收伊始所有從前刷印兵學操典及信箋摺券各項現以民國成立各界購用者甚夥刻經酌定減價統限大洋七折出售若有購至二十元以上者以六折計算如承 賜顧無不竭誠歡迎但所存無多切須爭先購買幸毋觀望自誤 印鑄局謹白

## 教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民誦誦良用慝焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

## 教育部通告

本部現因學校令尙未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

## 臨時政府公報局告白一

各省官廳所有暫行條件命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉觀地方之情況而彰民治之精神

## 臨時政府公報局告白二

各處有願爲公報販買者可將領報份數及販買區域本人之氏名年齡職業住所及販買章程呈送本局核定並須酌交保證金其保證之金額由局長定之

## 臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽方發予所照寄空列定報既不答覆

## 本報暫定期例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰咨曰令示曰紀事曰抄譯外報曰雜報其  
子目見前

四 本報日出一冊如遇國家紀念日星期日政府停止辦公時本報亦休  
刊一日

五 政府對於各地所發令示或宣布法律凡載登本報者公文未到以本  
報到後爲有效

六 凡各官署皆有購閱本報之義務唯具印文請領者皆照定價五折徵  
納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號會瑞武

蘇州城內因果巷四十一號許宅

上海

民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

蕪湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠